

Daxgoeng “Heiqmaez” Gou

我的“戏迷”爷爷

Gveigangj Si Cinzdangz Gih Mungzgungh Cin Gauhcan Siujyoz sam (2) ban Yiz Gezyungz

贵港市覃塘区蒙公镇高占小学三(2)班 庾杰融

Daxgoeng gou bineix 72 hopbi lo, de aen ndang hungsang, naengnoh miz di ndaem, coengzlaiz mbouj cit ien, miz doih couh gwn di laeuj. De daengxngoenz cungj dwg cingsaenz gvaekgvaek, guhhong lij gig rengz bw!

Daxgoeng dwg boux “heiqmaez”, de gyaenz yawj ciengqheiq, hix rox eu fwen, ndaw mbanj miz ciengqheiq, de cungj dwg caeuxcaeux couh bae hahdieg, youh dwg boux ceiq doeklaeng lizhai. De yawj densi daegbied gyaenz yawj “Gingghi”, de baez siengj yawj Gingghi, couhsuenq dwg dahlan de ceiq gyaenz haenx cingq yawj dung’ vaben, hix deng de gyaep deuz.

Miz baez ndeu, daxboh guhhong ma caeux, de yawjyawj aen cung, aiya, NBA lanzgiuz bijsai daengz lo. Gou cingq yawj densi 《Dahbya Gyaundeit》ne! Daxboh riu dwk naeuz: “Gyahgyah, ngoenzneix

lanzgiuz bijsai gaenq hainduj lo, hawj daxboh yawj yaep ndeu ba, ndaej mbouj ndaej?” De itmienh gangj itmienh dawz densi yauzung gaem gvaqbae, dawz densi diuz daengz diyzuz binzdau. Gou cij ndaej bae ra daxgoeng: “Daxgoeng, mwngz yawj, daxboh youh mbouj hawj gou yawj densi lo.” Gou ngamq gangj sat, daxgoeng couh naeuz daxboh: “Mwngz boux vunzhung ndeu, baenzlawz bae gaen lwgnyez ceng densi yawj, deuz, hawj Gyahgyah yawj.” Daxboh dingq le, cijndaej bae yawj bauqcej lo. Gou gig daekciq, laihnaeuz densi dwg duhgou dingh lo. Hoeng, ngamq yawj yaep ndeu, daxgoeng yawjyawj aen cung, couh gvaqdaej doiq gou naeuz: “Gyahgyah, Gingghi cezmuz cizboh youh hainduj lo, mwngz hawj daxgoeng sien yawj ba!” Gou cijndei dawz daiz diuz daengz Gingghi cezmuz, daxgoeng yawjyawj gou, angqvauvau naeuz: “Gingghi caen



ndeyawj, dwg monz yisuz ndeu, daihgya cungj gojiy yawj ma!” Gou mbouj guhsing byaij deuz lo, daxboh youq henz vix gou riunyaen ne!

Neix couh dwg daxgoeng gou, boux “heiqmaez” hung ndeu!

(lauxsae sonyinx: Cinz Caijfwnh/指导老师: 覃彩芬)



Lwgnyez Bahbij

芭比娃娃

Gveigangj Si Cinzdangz Gih Mungzgungh Cin Gauhcan Siujyoz sam (2) ban Yiz Sihgez

贵港市覃塘区蒙公镇高占小学三(2)班 庾诗杰

Gou miz dah lwgnyez bahbij dwggyaez ndeu, de dwg mwh gou haj hopbi ngoenzseng daxmeh soengq hawj gou.

Bahbij geijlai gyaundeit ha! De miz byoemgyaeuj saek henjgim raezrangrang, gwnz naj gvai de miz doiq lwgda youh hung youh luenz ndeu, lij rox yaepda ne! Aen ndaeng de gon sang, aen bak hoengzftet iqet, lwgfwngz soemset, song ga raezrangrang, daengx aen ndang reuxred dwggyaez.

Bahbij daiq haujlai angq-yangz daeuj hawj gou. Moix baez gou sij cozyez sat, couh dawz de daeuj guhcaemz. Bahbij miz aen ranz ndei ndeu, baihindaw faen miz aen rug, bakcauq, hekdind, gou daj ndaw gvih fan geij geu vunj okdaej, baez geu baez geu bang de vuenh daenj, geijlai mizyinx ha!

Gou simcingz mbouj ndei seiz, couh gotmaenh bahbij mbouj guhsing, de yaepyaep lwgda, lumjbaenz doiq gou

gangj vahseb: “Bouxcauj iq gou, moix boux vunz cungj miz seiz mbouj haisim, gou maq-muengh mwngz vaiqdi sim-angq hwnjdaej, gou ciengx-lwenx buenx mwngz guh-caemz!” Gou bae hwnjhag seiz, gou hawj bahbij ninz youq gwnz swiz, bu fandenz hawj de, maqmuengh de ndaej ninz-ndaek, loq aen fangzhwnz diemzsis ndeu, bahbij cix sij mbouj ndaej gou naeuz: “Boux-cauj iq, mwngz aeu vaiqdi dauqma ho!” Gou nai de naeuz: “Ndei, mwngz cuengqsim ba!”

Daengz gyanghaemh, gou couh got bahbij youq najaek ninz, caeuq de itheij haeuj ndaw fangzhwnz diemzsis bae.

Gou gyaenz bahbij raixcaix, mbouj dwg aenvih de gyaen-ndei, engq dwg aenvih de itcig buenx gou. Gou aeu guh daxboh daxmeh de, ciengxlwenx gyaenz de!

(lauxsae sonyinx: Cinz Hungmeiz/指导老师: 覃红梅)

Lwgmbwk Hix Dwg Lwg

女儿也是传承人

Gveigangj Si Cinzdangz Gih Mungzgungh Cin Lingzsw Siujyoz seiq (1) ban Yiz Suhhanz

贵港市覃塘区蒙公镇凌寺小学四(1)班 庾舒涵

Gaxgonq, daxmeh lijcaengz seng gou seiz, daxbuz doiq daxmeh gou naeuz: “Mwngz aeu seng lwgsai gaej seng lwgmbwk.” Daxmeh naeuz: “Ndei, gou itdingh seng boux lwgsai gvaigwd dwggyaez ndeu.”

Gvaq le mbouj geij nanz, daxmeh yaek seng lo. Daxbuz angq raixcaix, ndaw sim ngeix daxmeh itdingh dwg seng lwgsai. Doeklaeng cix seng boux lwgmbwk ndeu, hoeng daxmeh gou hix gig sim’ angq.

Miz ngoenz ndeu, daxmeh bwnq gou gwn cuk, daxbuz daeuj yawjraen gou le, ndaw sim di hix mbouj angq. Miz boux mehsimj ndeu youq bangxhenz aemq boux lwgsai ndeu, daxbuz cam de naeuz: “Mwngz seng geijlai boux lwg lo?” Mehsimj naeuz: “Gou seng le song boux lwg cungj dwg lwgsai. Boux daihngleih siengj aeu dah lwgmbwk ndeu, hoeng cix dwg lwgsai.” Daxbuz naeuz: “Yiengh-neix gangj mwngz dwg siengj aeu boux lwgmbwk ndeu lo!” Daxbuz doiq daxmeh naeuz: “Caeuq de vuenh ndei mbouj ndei?” Daxmeh naeuz: “Mbouj, gou mbouj vuenh. Lwgsai lwgmbwk cungj dwg lwg.”

Gvaq le mbouj geij nanz gou maj hung lo. Dingq daxmeh gangj, daj de seng gou seizhaenx hwnj, daxbuz doiq ranz gou gig mbouj huzndei. De raen dou le, daengx ngoenz naj gig nanzyawj, cungj mbouj raen de riu gvaq. Geiq ndaej miz ngoenz ndeu, mwh de dingqnyl ranz daxau seng daeg nuengx ndeu, de riu ndaej bak cungj mbouj haep. Daj neix hwnj, daxbuz daengx ngoenz cungj rop daegnuengx iq daxau, doiq gou lienz yawj cungj mbouj yawj mbat he.

Gou naemj youq ndaw sim: Daxbuz, gou rox gou wngdang gingqgyaez mwngz, mwngz in’ gyaenz daegnuengx iq gou hix mbouj miz maz gangj, hoeng mwngz vih gijmaz mbouj gyaenz gou di ndeu ne!

Geiq ndaej bihaenx gou caet bi, miz ngoenz ndeu, gou gwn ngaiz gvaq le couh bae hagdangz, mwh byaij daengz buenq loh fatyienh yienzbit mbouj raen lo, ngeix daengz banngaiz lij aeu gaujsi, gou couh ganjgip buet ma ranz. Ma daengz ranz baez yawj, bakdou gven dwk. Gou cijndaej bae daengz ranz daxbuz, siengj coh de ciq seiq gak ngaenz cawx gonj yienzbit ndeu. Hoeng daxbuz naeuz mbouj miz. Gou siengsim dwk okbae lo. Ngamq byaij daengz rog dou, couh dingqnyl daxbuz naeuz: “Lwgmbwk doeg gijmaz saw!” Dingq daengz gij vah neix gou gyaengj lo, song riz raemxda sikhaek bongh okdaej.

Lijmiz baez ndeu, ngoenzhaenx dwg ngoenzseng gou, daxbuz caeuq daxgoeng hix daeuj lo. Daengz banhaemh le, dou gwn dangauh ngoenzseng seiz, daxboh daxmeh soengq duz lwgnyezbaengz hung ndeu hawj gou, youq najaek duz lwgnyez-baengz sij “hoh mwngz ngoenzseng vaiqlag” geij cih saw, ndaw sim gou angq raixcaix. Hoeng daxgoeng daxbuz lienz gawq vah hohfuk he hix mbouj gangj, neix dwg vih gijmaz ne! Daegnuengx iq youq roek bi ngoenzseng seiz, gyoengqde cix cawx aen ci iq ndeu hawj de.

Daxbuz, gou geijlai maqmuengh mwngz ndaej gaij cungj yawjap maij lwgsai naiq lwgmbwk neix ha!

(lauxsae sonyinx: Yiz Suhyangz/指导老师: 庾书扬)